

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-21424/19
Sarajevo, 27.11.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14), člana 3. stav (3) Pravilnika o uslovima i načinu korištenja e-aukcije i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na postavljanju svijetlećeg reklamnog znaka Centar Safet Zajko na dvije lokacije

I

Prihvata se preporuka Komisije za javnu nabavku radova i ugovor za javnu nabavku u predmetu – „Izvođenje radova na postavljanju svijetlećeg reklamnog znaka Centar Safet Zajko na dvije lokacije“, broj obavještenja 422-7-3-283-3-155/19 objavljeno na Portalu javnih nabavki BiH dana 01.11.2019. godine, dodjeljuje se ponuđaču „Grizelj-group“ d.o.o. Sarajevo, sa ponuđenom cijenom za ugovor u iznosu od 23.320,85 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije, koji se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponude.

Konstatuje se da je ponuđač dostavio dokumente tražene u tački 3.3.2. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

Obrazloženje

Odlukom broj 02/12-23-21424/19 od 31.10.2019. godine Općina Novi Grad Sarajevo pokrenula je postupak javne nabavke „Izvođenje radova na postavljanju svijetlećeg reklamnog znaka Centar Safet Zajko na dvije lokacije“, konkurentski postupak, broj obavještenja 422-7-3-283-3-155/19 objavljeno na Portalu javnih nabavki BiH dana 01.11.2019. godine

Zapisnikom o otvaranju ponuda od 13.11.2019. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude: 1. „Grizelj-group“ d.o.o. Sarajevo i 2. „Deep reklame“ d.o.o. Visoko. Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Deep reklame“ d.o.o. Visoko ne ispunjava kvalifikacione uslove tražene u tenderskoj dokumentaciji iz tačke 3.4.1. (b) tehnička i profesionalna sposobnost: da je ponuđač u protekle tri kalendarske godine kao glavni izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 23.000,00 KM sa PDV-om, a kao dokaz se dostavlja potvrda za ugovor koju je izdala ugovorna strana – naručilac, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. Uvidom u dostavljenu potvrdu ponuđača „Deep reklame“ d.o.o. Visoko konstatovano je da ne sadrži podatke o ugovoru koji su traženi tenderskom dokumentacijom, odnosno iz iste se ne može utvrditi da li je riječ o jednom ili o više ugovora, nego je navedeno da je ostvarena uspješna poslovna saradnja u 2017. godini. Nadalje, ponuđač „Deep reklame“ d.o.o. Visoko nije dostavio dokaze tražene u tenderskoj dokumentaciji iz tačke 3.4.2. (c) tehnička i profesionalna sposobnost: dokaz o položenom stručnom ispitu i radnom iskustvu za jednog diplomiranog inženjera mašinstva, a dokazi iz tačke 3.4.2. (c), (d) i (e) tehnička i profesionalna sposobnost: dokaz o stručnoj spremi, certifikat za dva majstora VKV bravara za zavarivanje za TIG postupkom, certifikat za dva majstora VKV bravara za zavarivanje za REL postupkom su dostavljeni kao obične kopije, a ne kao originali ili ovjerene kopije što je traženo tenderskom dokumentacijom. Ponuđač nije popunio Aneks 3 – cijena ponude, za sve stavke koje su navede, i to na stranici 17., tačka 6.3. nije popunjena određena jedinična cijena i ukupna cijene bez PDV-a. Ponuđač je dužan popuniti sve stavke obrasca za cijenu ponude i upisati jedinične cijene i ukupne iznose za sve stavke.

Iz naprijed navedenog razloga utvrđeno je da ponuđač „Deep reklame“ d.o.o. Visoko ne ispunjava uslove tražene u tenderskoj dokumentaciji iz tačke 3.4.1 tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostalu ponudu ponuđača „Grizelj-group“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji. Komisija je i izvršila računsku kontrolu ponude ponuđača, te utvrdila računsku grešku, tako da ponuđena cijena za ugovor iznosi 23.320,85 KM sa PDV-om. Dana 18.11.2019. godine ponuđač „Grizelj-group“ d.o.o. Sarajevo dostavio je pisanu saglasnost na ispravku računске greške.

Nakon što je Komisija utvrdila da je samo jedna ponuda prihvatljiva, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je nakon ispravke računске greške utvrdila da je predmetna ponuda „Grizelj-group“ d.o.o. Sarajevo u iznosu od 48,78 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 23.272,07 KM sa PDV-om).

Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-2090/2019 od 21.11.2019. godine Služba za finansije je dala saglasnost na traženi dodatni iznos od 48,78 KM, te je na osnovu te saglasnosti Komisija nastavila sa procedurom

javne nabavke i predložila da se donese odluka o dodjeli ugovora za predmetne radove ponuđaču "Grizelj-group" d.o.o. Sarajevo.

Na osnovu navedenog u skladu sa odredbama člana 64. stav (1) tačka b) i člana 70. Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Nejra Smajić Šahić

DOSTAVITI:

1. Ponuđačima – učesnicima u postupku
2. Služba za zajedničke poslove
3. Komisiji za javne nabavke radova
4. U spis



Općinski načelnik

mr. Semir Efendić